

Esta selmana, vamos a lleer el cuentu “ Un vampiru de sangre azul”. Tamién puedes escuchalu nel siguiente enllace:

<http://canaltic.com/portfolio/lletres/vampiru/index.html>



Un vampiru de sangre azul

3º Ciclu

Cachu 1



Rufo taba sentáu sobre la so tumba del pequeñu cementeriu del pueblu con una botella na mano y la so capa arrallada y puerca pola lluvia que cayía. En vida, la xente metíase con él, (decíen-y que tenía nome de perru mansu), y dempués de la so muerte decíen-y lo mesmo. Nesos momentos acordabase del so amigu Álvaro, Marqués de Lloses y Conde del Arenal, que yera l'únicu que lu trataba con dignidá.

Cachu 2



Don Álvaro, Conde del Arenal, yera una persona contraria a él: noble, tranquilu, prestosu, simpáticu, intelixente, destacáu y con gran interés pola música, la lliteratura, la caza y les muyeres. Esti últimu interés llevaríalu a la muerte, ya que nel intentu de conseguir esposa, una de les sos xóvenes pretendientes matolu durante una cacería.

Cachu 3



Cuandu Don Álvaro s'acercaba a los cuarenta años dióse cuenta que la vida taba pasándose-y y nun tenía quien diere continuidá a la so familia. Entós alcordose d'una antigua invitación que-y fixeren los Condes de Draquelán cuandu yera algo más xoven. Al pocu, marchó pa Transilvania a conocer a l'heredera de los Draquelán y futura esposa.

Cachu 4



Cuandu llegó ellí taben esperándolu con una cacería, que yera una actividá de les que más-y gustaben a Álvaro. Les normes de la cacería yeren permanecer en pareyes (él cola heredera de los Draquelán) y regresar a casa encuantes sonaren tres vegaes el cuernu de caza.

Cachu 5



Comenzó la cacería y Don Álvaro tuvo en tou momentu escapando de les garres de l'heredera chiflada Draquelán. Sonó'l cuernu les tres vegaes y la lloca tresformose nun páxaru pergrande tirándose- y a la so yugular y quitando-y al instantu la vida.

Cachu 6



Foi así como Rufo volvió a topase con Don Álvaro dempués de la vida y comu Rufo, dexó la so vida de aburrimientu nel cementeriu. Don Álvaro instalose nel panteón familiar, al llau de la tumba de Rufo. Esti presentu-y los respetos llevando-y una botella de sangre fresco. Ente ambos acuriosaron el nuevu pisu de Don Álvaro, fixeron un par de viaxes a la so mansión pa coyer el so sillón favoritu, los meyores llibros, el so violín... Nunos díes, la cripta convirtiósese nun llar cálido.

Cachu 7



Entamaron a salir peles nueches, Rufo llevolu al únicu antru qu'había ellí "El sangre llambiono", onde podíen conocer a otros comu ellos. Col tiempu, les costumbres del Conde fueron cambiando dalgunes actividaes sociales del antru. Asina, viose la necesidá d'escoyer un Comité que, con Don Álvaro a la tiesta, camudare l'antru enllenu de borrachos y maleantes, nun Club Social, nel que se pudieren realizar alderiques lliterarios, recitales de música y partíes de bolos.

Cachu 8



El Comité prohibió dafechamente les salíes de madre y l'alimentu sorbiatábase agora nunes botelles bien etiquetaes, que l'equipu de mantenimientu, encargábase de pañar nos hospitales o de calabres. Nel nuevu club xugabase al axedrez y a les dames, faciense presentaciones d'autores, xornaes de poemas...

Cachu 9



Una aburrida nueche, el grupu encargáu de mantener enllena la despensa de plasma sanguíneo envede recoyela del hospital, recoyeronla d'unos muertos d'un accidente de coche. Nun se percataron que los muertos taben borrachos y tornaron pa casa cola valiosa carga. El sangre repartiose ente'l personal y dalgunos tresformáronse en xabaces vampiros que recorrieron les cais blasfemando y buscando xóvenes pescuezos a los qu'atacar.

Cachu 10



Pa desgracia de la culta y prestixosa ciudá vampírica, atacaron a un ensame de feministes que salíen d'un mitin. Pa terror de Don Álvaro, les feministes inxertáronse na comunidá, anque non de mou pacíficu, ya que queríen venganza por ser arrancaes de la vida tan de sópitu y de manes de los sos rivales, los varones.

Cachu 11



Ca nueche diben al club social, "El sangre llambiong" con pancartes y glayios encontra los homes. Don Álvaro, asombráu veía comu se desmoronaba ante él tol trabayu d'un sieglu. Los vampiros acudíen al club social amedrentaos y pocu a pocu, diben perdiendo la tranquilidad cola que contaben dalgún tiempu atrás.

Cachu 12



Viendo como siguiá la situación coles feministes, Don Álvaro punxo les meyores gales y presentose ante la cabezalera de les muyeres con una misiva. Les reuniones fixerónse continues, y Rufo, por más que-y entrugaba a Don Álvaro nun-y respondía na, siempre taba cansáu o nun yera bon momentu. Un día tras otu daba cola puerta del ataúd nes ñarices engrifaes de Rufo.

Cachu 13



Una nueche Don Álvaro, nuna d'esas reuniones firmo'l so casoriu cola cabezalera de les muyeres y nun se dio cuenta que con esa boda, camudaríen les coses, y sería la so muyer quien dirixese agora la comunidá vampiril y Don Álvaro pasaría a ocupase de la casa.

FIN

1) Responde sol testu:

¿Qué son Rufo y Don Álvaro? ¿Y qué relación tienen?

¿Qué yera “El sangre llambiono”?

¿Qué facien nel “sangre llambiono”?

¿Cómo morrió Don Álvaro?

¿Ónde vivía l’heredera de los Draquelán?

¿Qué intereses tenía Don Álvaro?

¿Qué prohibio’l Comité dafechamente?

2. Verdaderu o falsu:

%Rufo yera mui quieru polos collacios.

%Don Álvaro morrió nun accidente de coche.

%El Club social convirtiose nun llugar respetable pa los vampiros.

%El conde casose cola heredera de los Draquelán.

%Rufo vivía en Transilvania.

%Don Álvaro yera’l xefe de “El sangre llambiono”.

3. Sopa de lletres:

Sangre-vampiru-cementeriu-tumba-páxaru-cruz- feminista

S	B	A	P	P	M	E	C	B	C
B	A	M	Z	A	B	T	U	R	E
U	I	N	E	X	Z	U	R	C	M
I	G	A	G	A	U	P	I	E	E
B	U	A	Z	R	T	U	P	B	N
X	S	R	P	U	E	R	M	E	T
T	U	M	B	A	P	X	A	V	E
S	O	U	L	T	M	A	V	T	R
R	P	X	A	L	A	P	G	E	I
A	T	S	I	N	I	M	E	F	U

4. Rellaciona con fleches:



La lloca tresformose nun páxaru pergrande tirándose- y a la so yugular y quitando-y al instante la vida.



Don Álvaro punxo les meyores gales y presentose ante la cabezalera de les muyeres con una misiva.



Al pocu, marchó pa Transilvania a conocer a la heredera de los Draquelán y futura esposa.

5. Inventa otu final pal cuentu.
